

泉州府志

第二十四冊

卷之四十八

泉州府志卷之四十八

循績

明循績五

史朝富

李一德

盧天祐

陳彬

莊思寬

張瑞

駱惟儼

李士綯

王承箕

翁堯英

黃伯善

王時拱

林桂

蔡黃卷

周茂中

蘇宗璽

傅陽明

李瀾

鄭良璧

黃廷楫

王宗會

何琚

曾承芳

史朝富字節之號禮齋晉江人嘉靖丁酉年二十一與其
兄朝宜同舉于鄉榜名節之更今名癸丑復與兄並第
進士授永康令邑無城而倭難劇屯仙霞嶺且闖金華

遣胥江歸海距邑三舍或勸避之朝富不可率民兵數千至境上禦之却分而行黃教官亦從倭果疑不敢下由東陽取小道去狼兵數千索餉驕悍主者方坐堂皇狼兵湧至露刃坐側衆懼朝富從容諭曰若無譁安有使若楊腹赴敵者顏色自如餉旋給散去人服其器度丁內艱起除六合平易近民會景王分封過境供億不如意輒窘令朝富處置有方王舟不泊江徑揚帆而過地方省徵費數千遷懷慶同知適兄朝賓僉憲河南當引避改岳州有盜掠臨湘帑衆魯堯庫者捕覈得臧金

七十鎰於婦禪中父子四人論死朝富覆覆之曰此非
官帑物金色殊劣似民家販麻苧所獲者捕急謾藏之
故生疑耳得從末減署郡篆與民休息衙齋不局先是
殿工興購大木值踊甚比工竣猶存值三千鎰未發商
請給不聽丐藩司判給又不聽掾爲之言朝富曰工興
需木商故昂其值岳居上游給最先商欲飽矣今未給
者皆非商有毋乃欲官吏叢分而溷我耶掾叩頭請罪
遂籍之藏以待覈其後上賦有不明者從委之郡藩司
曰兗岳州給商銀數千有藩司判行而不染反利此耶

遷南車駕員外擢武選郎中出知永州府立法興制考
古右文築江華城改軍餉折色石六錢以四與軍而以
所贏之二爲建城費不需官民一錢永好訟動以殺命
劫財相傾冤或不白而黠者幸脫朝富嚴其出入十餘
年之案得平允僉將軍大猷征粵苗苗奔巡察調兵五
百戍之朝富曰未見苗而屯兵夫先自擾也卻之去苗
亦竟不來省應糧無算在郡三載綱舉目修閒爲諸生
談說經藝士爭向學永都有仕吏部司功者方貴餞其
父入府拜太守車當門朝富扶其輿人吏部害甚將以

事螫之或乘閒語曰永民則德公矣貴人不釋憾也願
公厚金帛存問貴人父朝富曰吾寧以金帛投擲江水
中不與貴人父也竟以疾乞歸臨行而東安置局征商
之議起朝富力言其不可謂東安疲邑士出學縣教麥
商人逐什一之利藉得資生局開則稅重稅重則利薄
而商不至士民大困事遂寢歸而論學歌詩考正大學
古本年九十卒

關書卷之三
蘇志

李一總字恒甫號雲泉晉江人嘉靖丁酉舉人時年二十
一受業成均徐階為學憲以行書教故謂之內命題試

長江可也

宮前以興人文士始向學邑苦州差督稅行捕所在騷擾白于州守曰州邑公事乞移文置郵至期勾當上報勿委差重民困從之遂著爲令總督王公奉命征夷大師深入諸路各進兵陽適餉道之衝王聞一德名凡經畧戰陣之宜一一詢焉爲按地形指陳要害與賊虛實淺深之狀身率將士調糧食繼之是以屢戰屢捷不半載糧患悉平復招撫其餘黨諭以禍福與自新如大小蕉坑南北二水黃潭石角等寨咸遵約束捷聞敘功帝加褒賚爲諸邑最先後御史交薦擢知濟寧州士民

攀留不獲立生祠祀之與唐韓昌黎明莊白里同稱三賢祠濟寧爲天下運道之衝漕河所駐官員雲集酬應紛繁築閘隄岸夫役皆取辦焉去明而出更闢如入衣冠束帶坐而假寐報至輒起應之其得坐堂上訊民事則休沐時也一德恥于脂韋拙于鬪捷卽華亭處未嘗通一刺爲地故有齟齬亦莫之知竟以廉靜不苟調鬱林州地方僻靜得以專心民事先是城垣傾圯致有劫掠之變至卽申請修復壘土砌磚疏城河引淤涸二水灌其中歲收魚利貯備修城費不煩帑金而城以完猺

開其陽山時名亦相識勿開邊費捐俸構齋廊射圃集
士講學鼓篋人交大興是歲州南之沚有紫水湧出人
謂文運瑞徵亭其沚曰瑞泉州故出葛申禁上供外不
得借名混取自是送樣葛之例除甲子分校棘闈薦牘
上主司皆奇之令搜他房落卷得士七人解首鄧全策
出其房計最當愛顯擢會協征潮寇兩臺疏請畱任俟
賊平轉官州人喜躍踰年推襄府長史華亭怪訝而命
下已不可挽貽書曰與其熱而易竟不如冷而久長一
德絕不介懷便道之任王稔其名一見稔重之有事必

諸有言必聽莊憲微節用則明
世子迪以誠正修齊之道王太漸王妃世子欲以金銀
寶玉殉葬引古義力止之居年餘夢母弗豫大哭具疏
乞歸抵家未幾而母歿殯殮喪葬得如禮人謂孝感既
釋服營小園亭于居之前左自比綠華額曰與造物游
移花時木養魚池鳥招客劇飲食風弄月以適志八年

而卒

振景
彙集

盧天祐字以順同安人嘉靖丁酉舉人今永豐當嘉靖之
季分宜當國賄賂橫行直指行都年多訪惡人罰金具

賂索未豐天祐第應曰無有縣無城賊寇雲擾廣兵
袁彬等千餘入應召殺賊反搶掠爲亂縱橫閩浙間天
祐刊木繼石塞蹊隧蔽關隘分兵防守有捕得通賊者
立斬之廣兵至聞其清德竟不爲害會當入覲直指以
邑遭殘破奏請永代丞居下考中道過去銓部以此連
天祐坐失官爲令七月耳歸而無以爲家永豐人祠祀
之

圖書

陳彬字子長惠安人嘉靖丁酉舉人授餘干教諭羣諸生

析經講義肩休以爲有餘度中陞知嘉善縣

惠安志作嘉善

縣

不事邊幅澹若儒生薄賦輕刑蒞民愛之時廖尚儉

黎朝馬等曰相仇殺武弁邀功以叛聞制撫議剿之彬

力爭謂首事有主名不當玉石無分議不合掛冠去征

剿事亦寢妨人祀之名宦家居躬耕食貧一日方帶笠

鋤而客訪之不覺也問主人翁安在彬解笠釋鋤衣冠

飭賓位子雅樂舉人湖口知縣

闕書參
惠安志

莊思寬字君栗晉江人左目重瞳每讀書片晷輒默記數

千言嘉靖甲午舉人戊戌進士登第後益聚讀古今書

忘寢食傾橐資鬻不足至解帶易之授鄱陽令重風化

時訓飭平斗衡均徭賦寬積逋禁溺女建廟學興士類
時時以安分知幾教其民每出民繞車前後若依慈父
母縣亭傍植竹百餘竿每竿上隱然有壁崖竹三字池
荷忽挺雙頭花結實並蒂士民以方之虞城漁陽壁崖
思寬號也遷南戶部已遷刑部郎出守建昌書柳子豪
馳傳于壁以示僚屬僚屬相率爲清靜卒于官百姓痛
惜之後三十餘年南城人邱澍來守泉顧其諸子甚厚
曰非私莊公孫子爲建昌縣令思寬能文工書兼

善寫竹

書

張瑞字應時惠安人嘉靖甲午順天鄉薦戊戌進士膺直
放古爲學至病羸困著有毛詩說初任齊東知縣改錢
塘有循良之號轉贛州判南雄同知入爲刑部郎終知
敘州府瑞一意爲民所至無赫赫聲當事者常見齟齬
故仕宦不遂敘有皇木之役力罄偏累積餘至十萬封
識題還歸家掃軌讀書景約去奢與人交推誠無矯飾
有先正遺篋年七十八卒

閩書叅
惠安志

駱惟儼字若思惠安人幼雋邁日記千言父綸爲邑宿儒
課之詞賦立就嘉靖庚子領鄉書晚授鬱林州知州革

常例練士兵尤加意學校儀度較整無敢于以私者不
爲上官所喜調鎮寧州尋遷桂林府判會征古田王辦
兵食事寧復畫策造鹽船通商至今爲廣右利始終廉
白大學士呂公調陽嘗語人曰吾郡有司不染民錢者
聞駱磬山一人而已磬山惟儼別號也

惠安志

李士綸號後齋晉江人嘉靖庚子舉人授博白令慨然以
人才風俗爲已任捐修學宮檄學博彭鄧二君董其事
築學舍於縣治之東扁曰養正書院集邑士百餘人與
講解而課其業出俸餉之易學不傳江左蕭生擁臯